

კანონთა და განკარგულებათა კრებული

ამიერკავკასიის სოციალისტური ფედერაციული საბჭოთა რესპუბლიკის
მუშათა და გლეხთა მთავრობისა.

<p>1927 წლის აპრილის 1</p>	<p>№ 6 განყოფილება პირველი</p>	<p>ა/კ. ც. ა. კომიტ. საკანონ- მდებლო კომისიასთან არ- სებული კანონთა გამოკვე- ყების განყოფილების მიერ გამოცემული.</p>
--------------------------------	------------------------------------	--

შ ი ნ ა ა რ ს ი:

- მუხ. 58. მოსახლეობისათვის 1926-27 წელს სასოფლო-სამეურნეო მანქანებისა და იარაღის კრე-
დითით მიცემის შესახებ.
- „ 59. საძირე ტყავის ზურგის ნაწილისა, კისრის ნაწილისა და ნაპირების უკიდურესი ფასე-
ბის შესახებ.
- „ 60. ტყავის საქონლის ფასის შემცირების შესახებ.
- „ 61. ამიერკავკასიის მრეწველობის ცალკე დარგებში მოზარდთა ნორმის მინიმალური პრო-
ცენტის დაწესების შესახებ.
- „ 62. ა/კსფსრ ქალაქებში ცალობითი ვაჭრობისათვის ზომა-წონის მეტრული სისტემის შე-
მოღების შესახებ.
- „ 63. სახელმწიფო და კოოპერატიულ საწარმოთა და სახელმწიფო კაპიტალის მეტობრივი
მონაწილეობით მომკმედ სააქციო საზოგადოებათა მექანიკური წარმოების ფესვაცმლის
ფასების შესახებ.
- „ 64. 1926-27 წლის მე-2 ნახევარში სპეციალისტებისათვის სასყიდლის მისაცემად სამუშაო
ხელფასის განსაკუთრებული ფონდების დაარსების შესახებ.
- „ 65. ტყის კულტურის სფეროში მუშაობისათვის საჭირო სახსარის შესახებ.
- „ 66. „მუშათა ბინების კოოპერატიული აღმშენებლობისათვის ხელისშეწყობის თაობაზე“ ა/კ.
ცენ. აღ. კ-ტისა და ა/კ. სახალხო კომისართა საბჭოს მიერ გამოცემული დადგენილე-
ბის გაუქმების შესახებ.
- „ 67. ა/კსფსრ უმაღლეს კონომიურ საბჭოსთან არსებული მშენებლობის ტენიკური კომი-
ტეტის დროებითი დებულების შესახებ.
- „ 68. რაფინად-შაქრის ცალობითი ფასების შესახებ.
- „ 69. ა/კსფსრ-ში დაზღვევისათვის მეტრული სისტემის ზომა-წონის შემოღების შესახებ.

დადგენილება № 6121 აკსფსრ შინა-ვაჭრობის სახალხო კომისარიატისა

(მოწესრიგების სემპრატეგლო).

1927 წ. თებერვლის 19.

58. ა/კსფსრ-ში შემავალი რესპუბლიკების მოსახლეობისათვის 1926-27 წელს საკრედიტო სკალის დაწესების შესახებ.

ამიერკავკასიის ცენტრალური აღმასრულებელი კომიტეტის მიერ „აკსფსრ შინა-ვაჭრობის სახალხო კომისარიატის დროებითი დებულების შესახებ“ 1924 წ. ივნისის 26-ს თარიღით გამოცემული დადგენილების მე-3 მუხ. „გ“ პუნ. თანახმად—ა/კ. შინა-ვაჭრობის სახალხო კომისარიატი ადგენს:

§ 1. დაწესებულ იქნეს შემდეგი საკრედიტო სკალა 1926-27 წელს ა/კ. სფსრ-ში შემავალი რესპუბლიკების მოსახლეობისათვის საიმპორტო და საკავშირო წარმოების სასოფლო-სამეურნეო მანქანებისა და იარაღების მისაყიდად:

საკრედიტო სკალა 1926-27 წ. მოსახლეობისათვის სასოფლო-სამეურნეო მანქანებისა და იარაღების მისაყიდად:

	ლირებულება	ბე	1 2 3		
			მოსავალი		
1. გუთანი ერთ-ორ და სამ-საზნისიანი, ფარცხი რკინის კბილებიანი, კულტივატორი, სამარგლე, მიწის შემოსაყრელი, ამკრეფი ინვენტარი, სამკელი ხელსაწყო, ხელით საღეწი, საკვების დამზადებელი მანქანა, სათადარიგო ნაწილები, წვრილი სას.-სამ. ინვენტარი . . .	12 მანეთამდე	იყიდება ანგარ. ნაღდად გასწორ.			
2. გუთანი და რკ. კბილ. ფარცხი	13-დან 100 მან-დე	25% ¹ / ₁₀ 75% ¹ / ₁₀			
3. თევზებიანი და სხვაგვარი ფარცხი, რკინის კბილებიანი გარდა	13-დან 100 მან-დე	25% ¹ / ₁₀ 50% ¹ / ₁₀ 25% ¹ / ₁₀			
4. კულტივატორი სხვადასხვა, მიწის შემომკრელი, სამარგლე	13-დან 100 მან-დე	25% ¹ / ₁₀ 75% ¹ / ₁₀			
5. სათესი მწკრივად, ბამბისა, სიმინდისა და პურეულისა	13-დან 125 მან-დე	25% ¹ / ₁₀ 50% ¹ / ₁₀ 25% ¹ / ₁₀			
6. იგივე	126 მან-დან და მეტი	25% ¹ / ₁₀ 30% ¹ / ₁₀ 25% ¹ / ₁₀ 20% ¹ / ₁₀			
7. საკვების დამზადებელი მანქანა	13-დან 60 მან-დე	25% ¹ / ₁₀ 75% ¹ / ₁₀			
8. იგივე	60 მან-დან და მეტი	25% ¹ / ₁₀ 50% ¹ / ₁₀ 25% ¹ / ₁₀			
9. მარცელის გადამრკვევი მანქანა (სანიავებელი, დამზარისხებელი)	13-დან 40 მან-დე	25% ¹ / ₁₀ 75% ¹ / ₁₀			
10. სხვა მარცვ. გადამრკვევი მანქანა ან ტრიერი	41 მან-დან და მეტი	25% ¹ / ₁₀ 40% ¹ / ₁₀ 35% ¹ / ₁₀			
11. ძნისმკრელი, სათიბელი, სამკალი და სხვ.	41 მან-დან და მეტი	25% ¹ / ₁₀ 30% ¹ / ₁₀ 25% ¹ / ₁₀ 20% ¹ / ₁₀			
12. ხელით და ცხენით საღეწი	13-დან 100 მან-დე	25% ¹ / ₁₀ 75% ¹ / ₁₀			
13. იგივე	101-დან 200 მან-დე	25% ¹ / ₁₀ 50% ¹ / ₁₀ 25% ¹ / ₁₀			
14. ნახევრად-რთული და რთული საღეწი, საღეწის გარნიტური	201 მან-დან და მეტი	25% ¹ / ₁₀ 30% ¹ / ₁₀ 25% ¹ / ₁₀ 20% ¹ / ₁₀			

	ლირებულება	ბე	1	2	3
			მოსავალი		
15. რძის ინვენტარი (სეპარატორი, სადღებელი და სხვ.)	13-დან 100 მან-დე	25% 75%			
16. იგივე	101 მან-დან და მეტი	25% 50%	25%		
17. მანქანებთან ბრძოლის საშუალებანი (შაბიამანი, გოგირდი, სასხურებელი, შესაფრქვევი და სხვ.	—	25% 75%			
18. მანქანები და იარაღები მევენახეობისა და მეღვინეობისათვის	12 მანეთამდე	ნაღდად			
19. იგივე	13-დან 100 მან-დე	25% 75%			
20. იგივე	101-დან 500 მან-დე	25% 40%	35%		
21. იგივე	500 მან-დან და მეტი	25% 30%	25%	20%	
22. მოწყობილობა სას.-სამ. პროდუქტების პირველი გადამუშავებისათვის	13-დან 100 მან-დე	ანგარ. ნაღდად ვასწ.			
23. იგივე	100-დან 500 მან-დე	50% 50%			
24. იგივე	500-დან 1000 მან-დე	25% 50%	25%		
25. იგივე	1000 მ-დან და მეტი	25% 30%	25%	20%	

§ 2. ეს საკრედიტო სკალა შეფარდებულ უნდა იქნეს, როდესაც კრედიტი მიეცემა კოლექტიურ მეურნეობას, სამანქანო ამხანაგობას და ინდივიდუალურ ღარიბ მეურნეობას.

§ 3. შეძლებულ მეურნეობისათვის კრედიტის მისაცემად შეფარდებულ უნდა იქნეს ესევე სკალა, ხოლო კრედიტის ვადა შემცირებულ უნდა იქნეს ერთი მოსავლით და ბე ვადიდებულ 40%-დე. იმ შემთხვევაში, როდესაც ღარიბი მოსახლეობისათვის ვადა მიცემულია 1 მოსავლამდე, შემძლე გლახობა ყიდვის დროს გადაიხდის ღირებულების 100%.

§ 4. ა/კ. შინა-ვაჭრობის სახალხო კომისარიატის რწმუნებულმა ა/კსტსრ-ში შემავალ სათანადო რესპუბლიკაში თვალყური უნდა ადევნოს ამა დადგენილების სისწორით შესრულებას.

§ 5. ამა დადგენილების დარღვევისათვის დამნაშავე პასუხს აგებს სათანადო რესპუბლიკის სისხლის სამართლის კოდექსისამებრ, როგორც შინა-ვაჭრობის წესების დარღვევისათვის.

§ 6. დადგენილება ესე ძალაში შედის დღიდან მისი გამოქვეყნებისა.

ა/კ. შინა-ვაჭრობის სახალხო კომისარი ათაბეკოვი.

მოწესრიგების სამმართველოს უფროსი ნოვიკოვი.

გამოქვეყნებულია „ზარია ვოსტოკა“-ს 1427 №-ში 1927 წ. მარტის 16-ს.



დადგენილება № 10/125 აკსფსრ შინა-ვაჭრობის სახალხო კომისარიატისა

(მაწესრავების სამმართველო)

1927 წ. მარტის 11.

59. საძირე ტყავის ზურგის ნაწილისა, კისრის ნაწილისა და ნაპირების უკიდურესი ფასების შესახებ.

ა/კ. ცენტრ. აღმ. კომიტეტის მიერ „ა/კსფსრ შინა-ვაჭრობის სახალხო კომისარიატის დროებითი დებულების შესახებ“ 1924 წ. ივნისის 26-ს თარიღით გამოცემული დადგენილების მე-3 მუხლის „გ“ პუნქტისა და სსრკ ვაჭრობის სახალხო კომისარიატის ა/წ. იანვრის 13-ს დადგენილების თანახმად—ა/კ. შინა-ვაჭრობის სახალხო კომისარიატი, თავისი, 1926 წ. აგვისტოს 31-ს თარიღისა და 40/96 №-რის, დადგენილების 1-ლი მუხ. დასამატებლად, ადგენს:

1. დაწესებულ იქნეს შემდეგი მაქსიმალურ-უკიდურესი საბითუმო სავასაცემო ფასები საძირე ტყავის 1-ლი ხარისხის ზურგის ნაწილსა, კისრის ნაწილსა და ნაპირებზე ფრანკო-ვაგონი გაგზავნის სადგურზე, როდესაც ამ სავაგონებს გასცემენ ტყავის მწარმოებელი სახელმწიფო და კოოპერატიული საწარმოონი და აგრეთვე სახელმწიფო კაპიტალის მეტობრივი მონაწილეობით მოქმედი სააქციო საზოგადოებანი:

- 1) ნაპირები—1 კილოგრ. 1 მ. ღ 32 კ.; 1 ფუთი—21 მ. ღ 60 კ.
- 2) კისრის ნაწილი—1 კილოგრ. 1 მ. ღ 53 კ.; 1 ფუთი—25 მ.
- 3) საძირე ტყავ. ზურგ. ნაწ. 1 ხარ.—1 კ. 2 მ. ღ 87 კ.; 1 ფუთი—47 მ.

შენიშვნა. დაბალი ხარისხის ზურგის ნაწილი გაიცემა 1-ლი ხარისხ. დაწესებული ფასის შემდეგი მონაკლებით: მე-2 ხარისხისა—10%, მე-3 ხარისხისა—20%.

2. როდესაც საძირე ტყავის ზურგის ნაწილისა, კისრის ნაწილისა და ნაპირების ბითუმ, ნახევარ-ბითუმ და ცალობითი ვაჭრობას აწარმოებს სახელმწიფო ვაჭრობის ორგანო, კოოპერატიული ორგანიზაცია და კერძო პირი, სახელმძღვანელოდ მიღებულ უნდა იქნეს ის წანამატები, რაც გათვალისწინებულია ა/კ. შინა-ვაჭრობის სახალხო კომისარიატის 1926 წლის აგვისტოს 31 თარიღისა და 40/96 №-რის დადგენილებით და 1926 წ. დეკემბრის 31-ს თარიღისა და 58/114 №-რის დადგენილებით.

3. ამა დადგენილებით განსაზღვრული ფასები გავრცელდება ყველა წინად დადებულ ხელშეკრულებისა და გარიგების იმ ნაწილზე, რაც აქამდე შესრულებული არ არის.

4. ა/კ. შინა-ვაჭრობის სახალხო კომისარიატის რწმუნებულმა ა/კსფსრ-ში შემავალ თვითიფლ რესპუბლიკაში თვალყური უნდა ადევნოს ამა დადგენილების სისწორით შესრულებას.



5. ამა დადგენილების დარღვევისათვის დამნაშავე პასუხს აგებს სათანადო რესპუბლიკის სისხლის სამართლის კოდექსისამებრ, როგორც შინა-ვაჭრობის წესების დარღვევისათვის.

6. დადგენილება ესე ძალაში შედის დღიდან მისი გამოქვეყნებისა.

ა/კ. შინა-ვაჭრობის სახალხო კომისრის მაგ. ათაბეკოვი.

მოწესრიგების სამმართველოს უფროსი ნოვიკოვი.

გამოქვეყნებულია „ზარია ვოსტოკა“-ს 1429 №-ში 1927 წ. ოქტომბრის 18-ს.

დადგენილება № 11/126 აკსფსრ შინა-ვაჭრობის სახალხო კომისარიატისა

(მოწესრიგების სამმართველო)

1927 წ. მარტის 19.

60. ტყავის საქონლის ფასების შემცირების შესახებ.

ა/კ. ცენტ. აღმ. კ-ტის მიერ „აკსფსრ შინა-ვაჭრობის სახალხო კომისარიატის დროებითი დებულების შესახებ“ 1924 წ. ივნისის 26-ს თარიღით გამოცემული დადგენილების მე-3 მუხ. „გ“ პუნქტისა და სსრკ ვაჭრობის სახალხო კომისარიატისა და სახალხო მეურნეობის უმაღლესი საბჭოს ა/წ. თებერვლის 26-ს თარიღისა და 496 №-რის ბრძანების თანახმად, ა/კ. შინა-ვაჭრობის სახალხო კომისარიატი, თავისი, 1925 წ. აგვისტოს 31-ს თარიღის, დადგენილების 1-ლი მუხ. შესაცვლელად, ადგენს:

1. შემცირებულ იქნეს შემდეგნაირად საბითუმო საგასაცემო ფასები ტყავის საქონელზე: ა) მთლად იმ საძირე ტყავზე, რაც დამზადებულია ამერიკისა და რუსეთის ნედლეულობისაგან კომბინირული და ფხვიადი თრიმლვით— 5% -ით; ბ) კომბინირული და ფხვიადი თრიმლვით დამზადებულ ბოლომდე გამოუქნელ იუხტზე—წონით 6 კილოგრამამდე— 2% -ით; გ) კომბინირული და ფხვიადი თრიმლვით დამზადებულ ბოლომდე გამოუქნელ იუხტზე—წონით 8 კილოგრამამდე— 4% -ით.

შენიშვნა. ბოლომდე გამოუქნელი იუხტი წონით 8 კილოგრამზე მეტი გაეთანაბრება თხელ, ჩასაფენ საძირე ტყავს და გაიცემა ამ შაფენ ტყავის ფასად.

დ) ძროხისა და ცხენის ტყავის გამონაქერი ბოლომდე გამოუქნელი იუხტი— 2% -ით.

2. ამა დადგენილების 1-ლ მუხ. აღნიშნული შემცირება გავრცელდება აგრეთვე ყველა წინად დადებული ხელშეკრულებისა და გარიგების იმ ნაწილზე, რომლითაც ჯერ კიდევ ჩაბარება არ მომხდარა ა/წ. თებერვლის 26-დღე.

3. ტყავის საქონლის ბითუმად, ნახევარ-ბითუმად და ცალობით გაყიდვისათვის წინამატი დაერთვის იმ ნორმების თანახმად, რაც დაწესებულია ა/კ. შინა-ვაჭრობის სახალხო კომისარიატის 1925 წლის აგვისტოს 31-ს თარიღისა

და 40/96 №-რის დადგენილებით; თანაც ანგარიშში მიღებულ უნდა იქნეს ამა დადგენილების 1-ლი მუხლით გათვალისწინებული საბითუმო საგასაცემო ფასების შემცირება.

4. ა/კ. შინა-ვაჭრობის სახალხო კომისარიატის რწმუნებულმა ა/კფსრ-ში შემავალ თვითულ რესპუბლიკაში თვალყური უნდა ადევნოს ამა დადგენილების სისწორით შესრულებას.

5. ამა დადგენილების დარღვევისათვის დამნაშავე პასუხს აგებს სათანადო რესპუბლიკის სისხლის სამართლის კოდექსისამებრ, როგორც შინა-ვაჭრობის წესების დარღვევისათვის.

6. ამა დადგენილების ის ნაწილი, რაც საგასაცემო ფასებს შეეხება (მუხ. 1), ძალაში შედის ა/წ. თებერვლის 26-დან, ხოლო ის ნაწილი, რაც საბითუმო, ნახევარ-საბითუმო და ცალობითი ფასებს შეეხება (მუხ. 3), ძალაში შედის ა/წ. მარტის 26-დან.

ა/კ. შინა-ვაჭრობის სახალხო კომისრის მადიერ ათაბეკოვი.

მოწესრიგების სამმართველო. უფროსი ნოვიკოვი.

გამოქვეყნებულია „ზარია ვოსტოკა“-ს 1431 №-ში 1927 წ. ოქტომბრის 22-ს.

განმარტება ა.კ. შრომის სახალხო კომისარიატისა

1927 წ. მარტის 17.

61. ა/კ. შრომის სახალხო კომისარიატის მიერ „ამიერკავკასიის მრეწველობის ცალკე დარგებში მოზარდთა ნორმის მინიმალური პროცენტის დაწესების თაობაზე“ 1927 წ. იანვრის 21-ს თარიღითა და მე-5 №-რით გამოცემული დადგენილების შეფარდების შესახებ.

რადგანაც ამა თუ იმ ადგილას გაუგებრობას იწვევს ა/კ. შრომის სახალხო კომისარიატის მიერ „ამიერკავკასიის მრეწველობის ცალკე დარგებში მოზარდთა ნორმის მინიმალური პროცენტის დაწესების შესახებ“ 1927 წ. იანვრის 21-ს თარიღით და მე-5 №-რით გამოცემული დადგენილების 48, 49 და 50 მუხ. მიხედვით მოზარდთა ნორმის მინიმალური პროცენტის გამოანგარიშების საკითხი — ა/კ. შრომის სახალხო კომისარიატი განმარტავს, რომ ზემოაღნიშნულ მუხლებს, რომელთა შორის 48 მუხ. მოზარდთა ნორმის მინიმალურ პროცენტს აწესებს ბაკდვითი საწარმოში, 49 მუხ. ამავე ნორმის მინიმალურ პროცენტს აწესებს სავაჭრო, სამეურნეო და კოოპერატიულ საწარმოში და 50 მუხ. ამავე ნორმის პროცენტს აწესებს მშენებლობის საქმეში, — ერთობლივ ყველა სამუშაოსათვის, — არავითარი კავშირი არა აქვს „საზოგადოებრივ კეთილმოწყობის“ თავთან და დამოუკიდებელი მუხლებია.

ა/კ. შრომის სახალხო კომისარი იაშვილი.

შრომის ბაზრის განყ. გამგე გრიგორიანი.

გამოქვეყნებულია „ზარია ვოსტოკა“-ს 1431 №-ში 1927 წ. მარტის 22-ს.

სავალდებულო დადგენილება № 15 ა/კსფსრ უმაღლეს ეკონომიურ საბჭოსთან არსებული ამიერკავკასიის საუნუებათაშორისო მეტრული კომისიისა

1927 წ. იანვრის 4.

62. ა/კსფსრ ყველა ქალაქში ცალკობითი ვაჭრობისათვის ზომად წონის მეტრული სისტემის შემოღების შესახებ.

ა/კ. სახალხო კომისართა საბჭოს 1925 წ. ოქტომბრის 29-ს თარიღისა და 53 №-რის დადგენილების მე-11 §-ის „გ“ პუნქტის შესასრულებლად ამიერკავკასიის საუნუებათაშორისო მეტრული კომისია ადგენს:

1. ა/კ. საუნუებათაშორისო მეტრული კომისიის მე-4 №-რის სავალდებულო დადგენილების დასამატებლად შემოღებულ იქნეს 1927 წ. მაისის 1-დან ა/კსფსრ ტერიტორიის ქალაქებში წონისა, სიგრძისა და მოცულობის მეტრული სისტემა ყოველგვარი სახელმწიფო, კოოპერატიული და კერძო ცალკობითი ვაჭრობისათვის, როგორც დახურულ სადგომში, ისე კარავში, ხონჩით ბაზარზე და სხვ.

2. სავალდებულო დადგენილება ესე, ვიდრე განსაკუთრებული განკარგულება გაიკემოდეს, არ გავრცელდება:

ა) ღვინისა, არყისა, სპირტისა, ლიქორისა, სპირტზე დაყენებული ხილვითი სასმელისა და მაგრილებელი სასმელების ცალკობითი ვაჭრობაზე, ბორჯომის წყლის გამოკლებით;

ბ) იმ გლეხებზე, რომელნიც მიდიან მუხლში აღნიშნულ ქალაქებში თავიანთი პროდუქციის გასაყიდად ხელზე, ურემზე, ტომრით და სხვა, საგლეხო ვაჭრობის საშუალებით, უკეთუ ისინი პატენტით არა ვაჭრობენ.

3. ამა დადგენილების 1-ლი მუხლის შესასრულებლად ყველა საწარმო, როგორც სახელმწიფო, კოოპერატიული და კერძო, ისე უნდა აკეთებდეს ცალკობითი ვაჭრობის ეწევა, მოვალეა შემოაღონ მშენებელი განდისათვის იქონიის მეტრული სისტემის სასწორი, გირები და სხვა საზომ-საწონი, რასაც ზედ უნდა ჰქონდეს შემმოწმებელი პალატის დადი.

ძველი საზომ-საწონით საქონლის გაცემა მაისის 1-დან ა/კსფსრ ყველა ქალაქისათვის აკრძალულია.

4. ყველა დახურულ სადგომში, აგრეთვე კარავში, სადაც საქონელი ცალკობით გაიკება, თვალსაჩინო ადგილას გამოკიდული უნდა იყოს კედლის ცხრილი საქონლის ფასებისა, რაც სათანადოდ უნდა ეფარდებოდეს სავაჭრო ერთეულებს (კილოგრამს, მეტრს, ლიტრს და სხვ.).

შენიშვნა 1. საქონლის ფასების ცხრილის შედგენისათვის ძირითად მასალად გამოყენებულ უნდა იქნეს ოფიციალური საგადანაცვლო ცხრილები, რაც დამტკიცებულია ცენტრალური მეტრული კომისიისა, ა/კ. საუნუებათაშორისო მეტრული კომისიისა ან საზომ-საწონთა მთავარი პალატის მიერ.

შენიშვნა 2. იმ საქონლის 400 გრამმად შეფასება, რომლის შეფასებაც ძველის წონით გირვანქას ეთანაბრებოდა, აკრძალულია. ამ კატეგორიის საქონლისათვის შეფასება განისაზღვრება 1 კილოგრამად. ამასთანავე, შეფასება შეიძლება 500 და 100 გრამ.

შენიშვნა 3. იმ საქონლისათვის, რაც წერილ-წერილად აიწონება, დაწესებულია სავალდებულო შეფასება 1, 10 და 100 გრამმად, სავაჭრო საწარმოსავე შერჩევით, საქონლის კატეგორიისამებრ.

შენიშვნა 4. ა/კფსრ-ში შემავალი რესპუბლიკების ეკონომიური თათბირების განსაკუთრებული რწმუნებულნი—იმავე დროს ა/კ. საუწყებათაშორისო მეტრული კომისიის წარმომადგენელნი—მოვალენი არიან მიიღონ სათანადო ღონისძიებანი, რათა მთლად ცალკობითი ვაჭრობის საქმე უზრუნველყოფილ იქნეს მეტრული სისტემის საზომ-საწონთა საჭირო რაოდენობით, თანაც თვალყური ადევნონ ამა სავალდებულო დადგენილების თავის დროზე შესრულებას.

5. ამა სავალდებულო დადგენილების განხორციელება დაეკისრება სათანადო აღმასრულებელ კომიტეტებსა და ა/კ. შინა-ვაჭრობის სახალხო კომისარიატის რწმუნებულთ ა/კფსრ-ში შემავალ რესპუბლიკებში.

6. ამა სავალდებულო დადგენილების დარღვევისათვის დამნაშავე თანამდებობრივი და კერძო პირი პასუხს აგებს ა/კფსრ-ში შემავალი სათანადო რესპუბლიკის სისხლის სამართლის კოდექსის შესაფერი მუხლისამებრ, როგორც შინა-ვაჭრობის წესების დარღვევისათვის.

ა/კფსრ შინა-ვაჭრობის სახალხო კომისრის მავიერ ათაბეკოვი.

ა/კ. საუწყებათაშორისო მეტრული კომისიის თავმჯდომე. მავიერ გუნცაძე.

ა/კ. საუწყებათაშორისო მეტრული კომისიის მდივანი ხარატიანი.

გამოსვლილია შინა-ვაჭრობის კაბინეტისგან 1435 №-ში 1927 წ. მარტის 26-ს.

დადგენილება № 12/127. აკსფსრ შინა-ვაჭრობის სახალხო კომისარიატისა

(მაწესრებების სამმართველო)

1927 წ. მარტის 22.

63. სახელმწიფო და კოოპერატიულ საწარმოთა და სახელმწიფო კაპიტალის მეტობრივი მონაწილეობით მომქმედ სააქციო საზოგადოებათა მექანიკური წარმოების ფეხსაცმლის ფასების შესახებ.

ა/კ. ცენტრ. აღმ. კ-ტის მიერ „აკსფსრ შინა-ვაჭრობის სახალხო კომისარიატის დროებითი დებულების შესახებ“ 1924 წ. ივნისის 26-ს თარიღით გამოცემული დადგენილების მე-3 მუხ. „გ“ პუნქტისა და სსრკ ვაჭრობის სახალხო



კომისარიატის 1927 წ. იანვრის 10-ს დადგენილების თანახმად—ა/კ. შინა-ვაკრობის სახალხო კომისარიატი, თავისი, 1925 წ. მარტის 28-ს თარიღისა და 33 №-რის, დადგენილების ვასაუქმებლად, ადგენს:

1. დაწესებულ იქნეს შემდეგი მაქსიმალურ-უკიდურესი საბითუმო წანამამატები საკავშირო ვაკრობის სახალხო კომისარიატის მიერ ა/წ. იანვრის 10-ს დამტკიცებულ მრეწველობის უკიდურესი საგასაცემო ფასების პრეისკურანტზე.—ფრანკო-ვაგონი—გაგზავნის სადგური წარმოების ადგილას,—გარიგების თანხის მიუხედავად:

ა) სრულიად საკავშირო ტყავის სინდიკატისათვის, როდესაც ფეხსაცმელს ცენტრალურ სახელმწიფო და კოოპერატიულ ორგანიზაციას (საკავშირო, რესპუბლიკანური და საოლქო მასშტაბისა) მიჰყიდის, გარიგების თანხის მიუხედავად, სასაქონლო დოკუმენტების გადაცემით (სატრანზიტო ოპერაციების წესისამებრ),—3⁰/₁₀₀; როდესაც საქონელი სრულად საკავშირო ტყავის სინდიკატის გამგეობის საწყობებში და კონტორებში გაიყიდება—5,5⁰/₁₀₀;

ბ) როდესაც სრულიად საკავშირო ტყავის სინდიკატი ფეხსაცმელს სხვა ორგანიზაციას და პირს მიჰყიდის, სასაქონლო დოკუმენტების გადაცემით (სატრანზიტო ოპერაციების წესისამებრ),—4⁰/₁₀₀; როდესაც ფეხსაცმელი სრულიად საკავშირო ტყავის სინდიკატის გამგეობის საწყობებში და კონტორებში გაიყიდება—6,5⁰/₁₀₀;

გ) როდესაც სრულად საკავშირო ტყავის სინდიკატი ფეხსაცმელს თავისი კონტორების საწყობებში გაჰყიდის, იგი წარმოებითი საწარმოს საგასაცემო ფასს (პრეისკურანტი), სრულიად საკავშირო ტყავის სინდიკატისათვის დაწესებულ წანამატების გარდა, დაარიცხავს 1⁰/₁₀₀ საფრახტო ხარჯის დასაფარავად;

დ) როდესაც სახელმწიფო და კოოპერატიული სავაჭრო ორგანიზაცია (საკავშირო, რესპუბლიკანური და საოლქო მასშტაბისა) ფეხსაცმელს ყველა ამა თუ იმ პირსა და ორგანიზაციას მიჰყიდის, გარიგების თანხის მიუხედავად, სასაქონლო დოკუმენტების გადაცემით (სატრანზიტო ოპერაციების წესისამებრ),—4⁰/₁₀₀; საწყობებში გაყიდვისათვის—6,5⁰/₁₀₀;

ე) როდესაც სახელმწიფო და კოოპერატიული სავაჭრო ორგანიზაცია (საკავშირო, რესპუბლიკანური და საოლქო მასშტაბისა) სატრანზიტო ოპერაციის წესით ან უშუალოდ წარმოებითი საწარმოს საფაბრიკო საწყობში შექმნილ ფეხსაცმელს თავის საბაზისო ადგილას თუ საწყობში გაჰყიდის,—იგი წარმოებითი საწარმოს საგასაცემო ფასებს (პრეისკურანტი), მისთვის დაწესებულ სავაჭრო წანამატის გარდა, დაარიცხავს 1⁰/₁₀₀ საფრახტო ხარჯის დასაფარავად.

შენიშვნა. „გ“ და „ე“ პუნქტებში აღნიშნული, საფრახტო ხარჯის დასაფარავი წანამატი 1⁰/₁₀₀ რაოდენობით გავრცელდება ისეთ ადგილებზე, რომლებიც ფეხსაცმლის წარმოების ადგილიდან 1.500 ვერსის რადიუსში არიან.

2. ფეხსაცმლის ნახევარ-ბითუმი ვაკრობისათვის მრეწველობის საბითუმო საგასაცემო ფასების პრეისკურანტს დაერთოს შემდეგი მაქსიმალურ-უკიდურესი წანამატი:

ა) როდესაც ფეხსაცმელი სახელმწიფო ვაკრობის ორგანოს და კოოპერაციას ეძლევა—8⁰/₁₀₀;

ბ) როდესაც ფეხსაცმელი კერძო პირს ეძლევა—10%.

3. ფეხსაცმლის ცალობითი ვაჭრობას ქალაქად სახელმწიფო ვაჭრობის ორგანო და კოოპერაცია აწარმოებს საკავშირო ვაჭრობის სახალხო კომისარიატის მიერ ა/წ. იანვრის 10-ს დამტკიცებული ფეხსაცმლის ცალობითი ფასების პრეისკურანტის თანახმად, რასაც უნდა დაემატოს ნამდვილი ლირებულება რკინის გზისა და წყალსავალი გზის ფრახტისა, იმ 1.500 ვერსის ზევით, რაც გათვალისწინებულია ამა დადგენილების 1-ლი მუხლის „გ“ ან „ე“ ლიტერით; აგრეთვე უნდა დაემატოს კაპიტალის ლირებულება გზაში.

შენიშვნა. სახელმწიფო ვაჭრობის ორგანოს და კოოპერატიულ ორგანიზაციას უფლება აქვს ფეხსაცმლის ცალობითი ვაჭრობა აწარმოოს მარტოოდენ თავის ცალობითი ვაჭრობის მაღაზიაში ან თავისი საკავრო საწარმოს სპეციალურ განყოფილებაში იმ პირობით, რომ ასეთ განყოფილებაში საბითუმო ვაჭრობა არა სწარმოებდეს.

4. ფეხსაცმლის ცალობითი ვაჭრობას სოფლად კოოპერაცია აწარმოებს საკავშირო ვაჭრობის სახალხო კომისარიატის მიერ ა/წ. იანვრის 10-ს დამტკიცებული ფეხსაცმლის ცალობითი ფასების პრეისკურანტის თანახმად, მაქსიმალური ზედნართით 3%-ს რაოდენობით.

სატრანსპორტო ხარჯის დასაფარავად სოფლის კოოპერატივს უფლება აქვს, ამა მუხლით დაწესებული წანამატის გარდა, დაარიცხოს ნამდვილი ლირებულება:

ა) რკინის გზისა და წყალსავალი გზის ფრახტისა, იმ 1.500 ვერსის ზევით, რაც გათვალისწინებულია ამა დადგენილების 1-ლი მუხლის „გ“ ან „ე“ ლიტერით;

ბ) ფეხსაცმლის გაყიდვის ადგილამდე ქაპანზიდვის გზით მიტანისა;

გ) კაპიტალისა გზაში.

5. ნამდვილ ლირებულებას ფრახტისას, 1.500 ვერსის ზევით, კაპიტალისას გზაში და საქონლის ქაპანზიდვის გზით მიტანისას განსაზღვრავენ ა/კ. შინა-ვაჭრობის სახალხო კომისარიატის რწმუნებულნი ადგილობრივ.

6. კოოპერატიულ და სახელმწიფო ვაჭრობის ორგანიზაციას აეკრძალება შესცვალოს საკავშირო ვაჭრობის სახალხო კომისარიატის მიერ დამტკიცებულ პრეისკურანტში აღნიშნული ფეხსაცმლის სახელწოდება და ნომერაცია.

7. საკავშირო ვაჭრობის სახალხო კომისარიატის მიერ დაწესებულ საპრეისკურანტო ფასებში შედის ფეხსაცმლის ზონარისა და კოლოფის ლირებულება, სანდლებისა და ძროხის ტყავის ფეხსაცმლის გამოკლებით.

8. ყველა კოოპერატიული წარმოებითი საწარმო და სახელმწიფო კაპიტალის მეტობრივი მონაწილეობით მომქმედი სააქციო საზოგადოების ფეხსაცმლის საწარმო მოვალეა გამოუშვას ფეხსაცმელი ისე, რომ თვითეულ წყვილს ჰქონდეს სათანადო დალი, იმ საწარმოს და ნომრის მაჩვენებელი, რომლითაც ამა თუ იმ სახის ფეხსაცმელი აღნიშნულია საკავშირო ვაჭრობის სახალხო კომისარიატის მიერ დამტკიცებულ პრეისკურანტში.

9. ამა დადგენილებით დაწესებული უკიდურესი ფასები და წანამატები გავრცელდება ყველა წინად დადებულ გარიგების იმ ნაწილზე, რომლითაც ამა დადგენილების გამოქვეყნებამდე საქონელი ჯერ ჩაბარებული არ არის.



10. ამა დადგენილებით გაუქმებულია სსრკ ვაჭრობის სახალხო კომისარიატის მიერ ყველა წინაღ გამოცემული საფესხაცმო პრეისკურანტი.

11. ა/კ. შინა-ვაჭრობის სახალხო კომისარიატის რწმუნებულმა ა/კსფსრ-ში შემავალ სათანადო რესპუბლიკაში თვალყური უნდა ადევნოს ამა დადგენილების სისწოროთ აღსრულებას.

12. ამა დადგენილების დარღვევისათვის დამნაშავე პასუხს აგებს სათანადო რესპუბლიკის სისხლის სამართლის კოდექსისამებრ, როგორც შინა-ვაჭრობის წესების დარღვევისათვის.

13. დადგენილება ესე ძალაში შედის დღიდან მისი გამოქვეყნებისა.

ა/კ. შინა-ვაჭრობის სახალხო კომისარის მაგიერ ათაბეკოვი.

მოწესრიგების სამმართველოს უფროსი ნოვიკოვი.

გამოქვეყნებულია „ზარია ვოსტოკა“-ს 1437 №-ში 1927 წ. მარტის 29-ს.

დადგენილება № 25 აკ. უროვის სახალხო კომისარიატისა

1927 წ. მარტის 28.

64. 1926-27 წლის მე-2 ნახევარში სპეციალისტებისათვის სასყიდლის მისაცემად სამუშაო ხელფასის განსაკუთრებული ფონდების დაარსების შესახებ.

1. უფლება მიეცეს ამიერკავკასიის მასშტაბით მომქმედ იმ სახელმწიფო სამეურნეო ორგანოებსა და ამიერკავკასიის კოოპერატიულ შენაერთებს, რომლებზედაც ვრცელდება ა/კსფსრ სახალხო კომისარიატის საბჭოს 1924 წლის აპრილის 24-ს თარიღისა და 26 №-რის დადგენილების მოქმედება, 1926-27 საბიუჯეტო წლის მე-2 ნახევარში სამუშაო ხელფასის დამატებითი ფონდები სპეციალისტებისათვის სასყიდლის მისაცემად დახარჯონ იმ რაოდენობით, რაც დამტკიცებულია ა/კ. სახალხო კომისარიატის საბჭოს მიერ 1926-27 საბიუჯეტო წლის 1-ლი ნახევრისათვის.

2. წინადადება მიეცეს ა/კ. სამეურნეო ორგანოებს და ა/კ. კოოპერატიულ შენაერთებს სათანადო განცხადება 1926-27 წ. მე-2 ნახევრისათვის საჭირო ფონდის შესახებ უმაღლეს ეკონომიურ საბჭოსთან არსებულ, დამატებითი ფონდების განმსაზღვრელ, ამიერკავკასიის კომისიაში შეიტანონ მხოლოდ იმ შემთხვევაში, უკეთუ 1-ლი ნახევარ-წლისთვის დამტკიცებული ფონდის რაოდენობა, ამა თუ იმ საფუძვლით, შეცვლილ უნდა იქნეს. ამ უკანასკნელ შემთხვევაში განცხადება წარედგინება ა/კ. უმაღლესი ეკონომიური საბჭოს კომისიას არა უგვიანეს ა/წ. აპრილის 20-სა. განცხადებას დაერთვის: 1) დაწვრილებითი განმარტებანი კანონიერი ტიტულით გამართლებული საფუძვლებისა სამუშაო ხელფასის დამატებითი ფონდის გაუმჯობესებისათვის, რასაც უნდა დაერთოს სათანადო

გამოანგარიშებანი; 2) სპეციალისტთა სია—ცნობებით—მათი თანამდებობისა და ფაქტიური ჯამაგირის რაოდენობის შესახებ; 3) ცნობები 1926-27 საბ. წლის პირველ ნახევარში სამუშაო ხელფასის ფონდის თვითური ხარჯის შესახებ და 4) სათანადო პროფესიონალური კავშირის დასკვნა განცხადებაში მოთავსებულ ცნობების შესახებ.

შენიშვნა. ვიდრე ა/კ. სახალხო კომისართა საბჭო საბოლოოდ არ დაამტკიცებს ახალ განცხადებას, ახლად გამოთხოვილი სამუშაო ხელფასის დამატებითი ფონდის დახარჯვა არ შეიძლება.

3. ა/კსფსრ სახალხო კომისართა საბჭოს 1924 წ. აპრილის 24-ს თარიღისა და 26 №-რის დადგენილების მე-4 მუხლის თანახმად წინადადება ეძლევა ამიერკავკასიის და რესპუბლიკანური მასშტაბის ყველა უწყებას, რომელიც-კი სახელმწიფო ბიუჯეტზეა, წარუდგინოს ა/კ. უმაღლეს ეკონომიურ საბჭოსთან არსებულ სამუშაო ხელფასის ფონდების განმსაზღვრელ კომისიას; არა უგვიანეს ა/წ. მაისის 1-სა, განცხადება, რათა განხილულ და დამტკიცებულ იქნეს სამუშაო ხელფასის დამატებითი ფონდი, რაც განსაზღვრულია 1926-27 საბ. წლისათვის სახელმწიფო ბიუჯეტით და რაც ფაქტიურად იხარჯება უწყებების მიერ; განცხადებას უნდა დაერთოს სპეციალისტთა სია—ცნობებით—მათი თანამდებობისა და ფაქტიური ჯამაგირის რაოდენობის შესახებ.

ა/კ. შრომის სახალხო კომისარი იაშვილი.

სატარიფო-საკონფლ. განყ. გამგე ლეინი.

გამოქვეყნებულია „ზარია ვოსტოკა“-ს 1437 №-ში 1927 წ. მარტის 29-ს.

დადგენილება აზიერკავკასიის ცენტრალური აღმასრულებელი კომიტეტისა და აკსფსრ სახალხო კომისართა საბჭოსი.

65. ტყის კულტურის სფეროში მუშაობისათვის საჭირო სახსარის შესახებ.

რათა ა/კსფსრ ფარგლებში ტყის აღდგენისა და ტყის გაშენების საქმე რაციონალურად იქნეს დაყენებული და რაც შეიძლება მეურნეობისათვის ნაყოფიერად იქნეს გამოყენებული ხე-ტყის მყიდველებისათვის საწინდრის სახით დაქერილი ფულადი თანხები, რაც ფაქტიურად, ა/კსფსრ პირობებში, სპეციალური სახსარია, —ამიერკავკასიის ცენტრალური აღმასრულებელი კომიტეტი და ა/კსფსრ სახალხო კომისართა საბჭო, თანახმად ა/კსფსრ სახალხო კომისართა საბჭოს 1925 წ. ივნისის 21-ს დადგენილებისა „სპეციალურ სახსართა შესახებ“ (ა/კსფსრ კან. კრ. 1925 წ. მე-5 №-რი, მუხ. 450), ადგენენ:

1. იმ საწინდრის გასაუქმებლად, რაც ხე-ტყის მყიდველთ დაეპირებათ ხოლმე მოჭრილი მერქანის ადგილის გასასუფთავებლად, დაწესებულ იქნეს ა/კსფსრ ფარგლებში სამორე სასყიდლის მიზნობრივი პროცენტული რანარიცხი.



2. სამორე სასყიდლის პროცენტული დანარიცხით შემოსული თანხები გადაიკეს ა/კსფსრ-ში შემავალი რესპუბლიკების მიწათმოქმედების სახალხო კომისარიატების განკარგულებაში სპეციალური სახსარის სახით ტყის აღდგენისა და ტყის გაშენების საქმისათვის.

3. სამორე სასყიდლის პროცენტული დანარიცხის რაოდენობას არა უმეტეს 10 პროცენტისა ფოთლიანი და არა უმეტეს 25 პროცენტისა წიწვიანი ტყისათვის დაწესებენ ა/კსფსრ-ში შემავალი რესპუბლიკების ცენტრალური აღმასრულებელი კომიტეტები.

4. ტყის აღდგენისა და ტყის გაშენების სპეციალური თანხების გადახდევინებისა, შენახვისა და დახარჯვის წესი, აგრეთვე ამ თანხების ხარჯვის ანგარიშგების წესი განსაზღვრულ იქნეს თანახმად ა/კსფსრ სახალხო კომისართა საბჭოს 1925 წ. ივნისის 21-ს დადგენილებისა „სპეციალურ სახსართა შესახებ“ და ა/კსფსრ ფინანსთა სახალხო კომისარიატის ინსტრუქციისა.

5. წინადადება მიეცეს ა/კსფსრ-ში შემავალი რესპუბლიკების ცენტრალურ აღმასრულებელ კომიტეტებს—გამოსცენ ნუსხა რესპუბლიკების (კუთვნილები-სამებრ) იმ კანონებისა, რომელთაც დაეკარგათ ძალა ამა დადგენილების გამოქვეყნების გამო.

ამიერკავკასიის ცენტრალური აღმასრულებელი
კომიტეტის თავმჯდომარე მ. ცხაკაია.

ა/კსფსრ სახალხო კომისართა საბჭოს თავმჯდომარე მ. ორახელაშვილი.

ამიერკავკასიის ცენტრალური აღმასრულებელი
კომიტეტის მდივანი ა. შავერდოვი.

1927 წ. მარტის 26. ტფილისი—სასახლე.

გამოქვეყნებულია „ზარია ვოსტოკა“-ს 1438 №-ში 1927 წ. მარტის 30-ს.

დადგენილება ამიერკავკასიის ცენტრალური აღმასრულებელი კომიტეტისა და ა/კსფსრ სახალხო კომისართა საბჭოსი

66. ა/კ. ცენტრ. აღმ. კ-ტისა და ა/კსფსრ სახ. კომისართა საბჭოს მიერ „მუშათა ბინების კოოპერატიული აღმშენებლობისათვის ხელისშეწყობის თაობაზე“ 1925 წ. აგვისტოს 7-ს თარიღით გამოცემული დადგენილების გაუქმების შესახებ.

ამიერკავკასიის ცენტრალური აღმასრულებელი კომიტეტი და ა/კსფსრ სახალხო კომისართა საბჭო ადგენენ:



ა/კ. ცენტრალური აღმასრულებელი კომიტეტისა და ა/კფსრ სახალხო კომისართა საბჭოს 1925 წ. აგვისტოს 7-ს დადგენილება „მუშათა ბინების კოპერატიული, აღმშენებლობისათვის ხელისშეწყობის შესახებ“ (ა/კფსრ კან. კრ 1925 წ. მე-8 №-რი, მუხ. 482) გაუქმებულ იქნეს.

ამიერკავკასიის ცენტრალური აღმასრულებელი
კომიტეტის თავმჯდომარე მ. ცხაკაია.

ა/კფსრ სახალხო კომისართა საბჭოს თავმჯდომარე მ. ორახელაშვილი.

ამიერკავკასიის ცენტრალური აღმასრულებელი
კომიტეტის მდივანი ა. შავერდოვი.

გამოქვეყნებულია „ზარია ვოსტოკა“-ს 1438 №-ში 1927 წ. მარტის 30-ს.

დადგენილება № 9 ა/კფსრ სახალხო კომისართა საბჭოსი

67. ა/კფსრ უმაღლეს ეკონომიურ საბჭოსთან არსებული მშენებლობის ტექნიკური კომიტეტის დროებითი დებულების დამტკიცების შესახებ.

ა/კფსრ სახალხო კომისართა საბჭო აღდგენს:
დამტკიცებულ იქნეს შემდეგი დროებითი დებულება.

ა/კფსრ სახ. კომისართა საბჭოს თავმჯდომარე მ. ორახელაშვილი.

ა/კფსრ სახ. კომისართა საბჭოს საქმეთა მმართველი ნ. სოკოლოვსკი.

1927 წ. მარტის 10. ტფილისი—სასახლე.

დროებითი დებულება ა/კფსრ უმაღლეს ეკონომიურ საბჭოსთან არსებული მშენებლობის ტექნიკური კომიტეტის შესახებ

I. მშენებლობის ტექნიკური კომიტეტი არსდება ა/კფსრ უმაღლეს ეკონომიურ საბჭოსთან, რათა ტექნიკურად მოაწესრიგოს მშენებლობის საქმე ა/კფსრ სახალხო მეურნეობის ყველა დარგში, შეიმუშაოს და შეათანხმოს ა/კფსრ-ში მშენებლობის საქმის მოწესებისა, რაციონალიზაციისა და გაიაფების საკითხები და შეაკავშიროს ა/კფსრ-ში შემავალი რესპუბლიკების მშენებლობის ტექნიკური კომიტეტების მოქმედება.

II. მშენებლობის ტექნიკურ კომიტეტს დაეკისრება:

1) შეიმუშაოს ა/კსფსრ საერთო საქმეთა გამო პროექტები დეკრეტებისა და დებულებებისა 1-ლ მუხლში აღნიშნული საკითხების შესახებ, სხვათა შორის:

ა) სამოქალაქო მშენებლობის ნორმები ა/კსფსრ პირობებთან შეფარდებით;

ბ) ნორმები შენობათა და ნაგებობათა უშიშროებისა ტექნიკისა და ცეცხლის მხრით და სასანიტარო-სატექნიკო პირობები, რაც ამ შენობათა და ნაგებობათ შეეხება;

გ) წესები პროექტებისა, ხარჯთაღრიცხვებისა, ტექნიკური ანგარიშებისა და მუშაობისათვის ზედამხედველობის გაწვევის წესის შედგენისა და დამტკიცების შესახებ;

დ) დებულებანი სამუშაოს გაცემისა და მიღების შესახებ და მუშაობის წარმოების წესის შესახებ.

2) შეათანხმოს კავშირის ცენტრალური ორგანოების მიერ შემუშავებული ნორმები აღნაგობისა და დაგეგმვისა; ნორმები საშენი მასალის შესაძლებელი დაძაფრებისა და ნაგებობათა სავარაუდო დატვირთვისა; ნორმები სამუშაო ერთეულზე მასალისა და მუშა-ხელის დახარჯვისა; საშენი მასალის სორტიმენტები და სტანდარტები და ამ მასალების ყიდვა-მიწოდების ტექნიკური პირობები.

3) გამოარკვიოს საშუალებანი ამიერკავკასიის საშენი მასალების რაც შეიძლება საუკეთესოდ გამოყენებისა და ამ მასალების მასიური წარმოების ხერხი და უნარი.

4) განიხილოს—სათანადო დასკვნის მიცემით—სამოქალაქო და ხელოვნურ ნაგებობათა ტიპური პროექტები და ცალკეული დიდი საამშენებლო პროექტი ამა თუ იმ ნაგებობისა, სხვათა შორის, ისეთიც, რაც დამტკიცებულ უნდა იქნეს სსრკ ორგანოების მიერ—პროექტებისა და ხარჯთაღრიცხვების შედგენისა, წარმართვისა და დამტკიცების წესების თანახმად.

5) შეაგროოს და სისტემაში მოიყვანოს მე-II მუხლის პუნქტების მიხედვით ყველა ცნობები და მასალა და დასკვნა მისცეს ცენტრალური ორგანოების მიერ აღძრულ საკითხებზე მშენებლობის წარმოების მოწესრიგების სფეროში, აგრეთვე უწყებებისა და სათანადო ორგანოების მიერ აღძრულ საკითხების გამო, საერთოდ, მშენებლობის სფეროში.

6) შეაგროოს და შეჯუშლოს მასალები, რათა განსაზღვრულ იქნეს უახლოესი ხუთი წლისათვის და ყოველი წინამდებარე წლისათვის ა/კსფსრ ყოველგვარი მშენებლობის სფეროში საამშენებლო სამუშაოს მოცულობა და ღირებულება.

III. კომიტეტს უფლება აქვს:

1) დაავალოს ა/კსფსრ უწყებებსა და დაწესებულებებს და ა/კსფსრ-ში შემავალი რესპუბლიკების მშენებლობის ტექნიკურ კომიტეტებს—წინასწარ შეიმუშაონ ის საკითხები, რაც კომიტეტის კომპეტენციას შეადგენს.

2) ურთიერთი მიმართვა იქონიოს მშენებლობის მომწესრიგებელ სათანადო ორგანოებთან სსრკ-ში.

IV. კომიტეტს შეადგენენ ა/კსფსრ უმაღლესი ეკონომიური საბჭოს მიერ პერსონალურად დანიშნული სპეციალისტები კომიტეტის საგამგებლო საკითხებში



კომპეტენტურ პირთაგან. კომიტეტის თავმჯდომარეს და თავმჯდომარის მოადგილეს აგრეთვე ა/კფსრ უმაღლესი ეკონომიური საბჭო დანიშნავს.

V. კომიტეტის მუდმივი აპარატი იმუშავებს განსაზღვრული წესისამებრ დამტკიცებული შტატით. იმ თანამშრომელთ, რომელნიც კომიტეტის წევრნი არ არიან, თავმჯდომარე დანიშნავს.

VI. კომიტეტის სხდომაზე მიწვეულ უნდა იქნენ სათათბირო ხმის უფლებით განსახილველი საკითხების გადაწყვეტით დაინტერესებული უწყებების წარმომადგენელი.

VII. კომიტეტის შენახვისათვის საჭირო კრედიტი მოთავსებულ იქნება ა/კფსრ სახალხო კომისართა საბჭოს ხარჯთაღრიცხვაში.

VIII. კომიტეტი აწარმოებს თავისი სხდომების ჟურნალს და წარდგენილი პროექტების გამო მიღებულ ყველა დასკვნისა და დამტკიცების განსაკუთრებულ აღნუსხვას.

IX. ამა დროებითი დებულების განსავითარებლად გამოცემულ უნდა იქნეს ინსტრუქციები ამა დროებითი დებულების შეფარდების წესისა და ამიერკავკასიისა და რესპუბლიკანური მშენებლობის ტექნიკური კომიტეტების ურთიერთობის შესახებ. ინსტრუქციებს შეიმუშავებს ამიერკავკასიის კომიტეტი და დამტკიცებს ა/კფსრ უმაღლესი ეკონომიური საბჭო.

გამოქვეყნებულია „ზარია ვოსტოკა“-ს 1439 №-ში 1927 წ. მარტის 31-ს.

დადგენილება № 13/128 აკსფსრ შინა-ვაჭრობის სახალხო კომისარიატისა

(შოწესრიაგების სემმართველა)

1927 წ. მარტის 23.

68. რაფინადი-შაქრის ცალობითი ფასის შესახებ.

ა/კ. ცენტრ. აღმ. კ-ტის მიერ „ა/კფსრ შინა-ვაჭრობის სახალხო კომისარიატის დროებითი დებულების შესახებ“ 1924 წ. ივნისის 26-ს თარიღით გამოცემული დადგენილების მე-3 მუხ. „გ“ პუნქტის თანახმად, ა/კ. შინა-ვაჭრობის სახალხო კომისარიატი, თავისი, 1926 წ. დეკემბრის 29-ს თარიღისა და 57/113 №-რის, დადგენილების შესაცვლელად და დასამატებლად, ადგენს:

1. დაწესებულ იქნეს შემდეგი მაქსიმალურ-უკიდურესი ცალობითი საგასაცემო ფასები რაფინადი-შაქარსა და ფხენილზე სახელმწიფო ვაჭრობისა, კოოპერაციისა და კერძო ვაჭრობისათვის ყველა ქალაქსა და ადგილას, რომელიც-ი ა/კ. რკ. გზ. ხაზზე მდებარეობს:



		ნამტვრევი	ნახერხი	ნაკრობით	თავობით
საქართველოს სსრ-ში	1 კილოგრ.	75 კაბ.	75 კაბ.	73 კაბ.	71 კაბ.
აზერბაიჯანის სსრ-ში	1 „	74 კაბ.	75 კაბ.	72 კაბ.	70 კაბ.
სომხეთის სსრ-ში	1 „	76 კაბ.	77 კაბ.	74 კაბ.	72 კაბ.
ნახიჩევანის ოლქში	1 „	77 კაბ.	78 კაბ.	75 კაბ.	72 კაბ.

შენიშვნა. ქალ. ტფილისსა და ბათუმში შაქარი თავობით გაიცემა 71 კაბ. თითო კილოგრამი.

შაქრის ფხვნილი

ტფილისში	63 კაბ.	1 კილოგრ.
ბათუმში	64 „	1 „
ბაქოში	61 „	1 „
ერივანში	65 „	1 „

2. ა/კ. შინა-ვაჭრობის სახალხო კომისარიატის რწმუნებულებმა საქართველოს სსრ-ში, აზერბაიჯანის სსრ-ში და სომხეთის სსრ-ში უნდა დააწესონ სათანადო რესპუბლიკებში შემდგომი მაქსიმალურ-უკიდურესი ცალობითი ფასები რაფინად-შაქარზე და ფხვნილზე ა/კ. რკ. გზის ხაზის გარეშე მდებარე ადგილებისათვის, ამა დადგენილების 1-ლი მუხლით გათვალისწინებულ ფასებთან შეფარდებით და იმ ანგარიშის მიხედვით, თუ რა დაჯდება რკინის გზის სადგურიდან გაყიდვის ადგილამდე შაქრის ჰაპანზიდვის გზით მიტანა.

3. ა/კ. შინა-ვაჭრობის სახალხო კომისარიატის რწმუნებულმა ა/კსფსრ-ში შემავალ თვითოეულ რესპუბლიკაში თვალყური უნდა ადევნოს ამა დადგენილების სისწორით აღსრულებას.

4. ამა დადგენილების დარღვევისათვის დამნაშავე პასუხს აგებს სათანადო რესპუბლიკის სისხლის სამართლის კოდექსისამებრ, როგორც შინა-ვაჭრობის წესების დარღვევისათვის.

5. დადგენილება ესე ძალაში შედის დღიდან მისი გამოქვეყნებისა.

ა/კ. შინა-ვაჭრობის სახალხო კომისრის მაგიერ **ათაბეკოვი.**

მოწესრიგების სამმართველოს უფროსი **ნოვიკოვი.**

გამოქვეყნებულია „ზარია ვოსტოკა“-ს 1439 №-ში 1927 წ. მარტის 31-ს.



სავალდებულო დადგენილება № 16 აშვიკაპავასიის საუნჯებათაშორისო მეტრული კომისიისა

1927 წ. თებერვის 18.

69. ა/კფსრ-ში დაზღვევისათვის მეტრული ზომა-წონის შემოღების შესახებ.

ა/კ. სახალხო კომისართა საბუკოს 1925 წ. ოქტომბრის 29-ს თარიღისა და 53 №-რის დადგენილების მე-11 §-ის „გ“ პუნქტის შესასრულებლად—ა/კ. სა-უწყებათაშორისო მეტრული კომისია ადგენს:

1. ყველა დამზღვევი ორგანო ა/კფსრ-ში მოვალეა აწარმოოს მის მიერ დასაზღვევად მიღებული რისკის შეფასება და მისი ზარალის სალიკვიდაციო გამოანგარიშება მეტრული ზომა-წონით, ე. ი. ხაზოვანი და კუბური მეტრობით ან კილოგრამობით და მისი წილადობით, რისთვისაც დაკულ უნდა იქნეს შემდეგი დაწყებითი ვადა მეტრული ზომა-წონის შემოღებისა:

ა. 1927 წ. აპრილის 15-დან:

ა) ქალაქებში შენობებისა და მოძრავი ქონების ნებაყოფლობითი დაზღვევისათვის;

ბ) ქალაქებში სავალდებულო არასაგადანაკვეთო დაზღვევისათვის;

გ) ქალაქად და სოფლად საფაბრიკო-საქარხნო ქონების ნებაყოფლობითი და სავალდებულო არასაგადანაკვეთო დაზღვევისათვის;

დ) „ა“, „ბ“ და „გ“ პუნქტებში აღნიშნული ყოველგვარი დაზღვევის პირობებისა და ობიექტების ცვლილებათა გამო ახალი სადასაზღვეო დოკუმენტების შედგენისათვის;

ე) საქონლის დაზღვევისათვის, უკეთუ დაზღვევის ბრუნვის ჩანაწერში უკვე ნახმარია მეტრული ზომა-წონა; ხოლო, უკეთუ იგი ჯერ კიდევ შემოღებული არ არის, გამოანგარიშება შედგენილ უნდა იქნეს ბრუნვის ჩანაწერის ზომა-წონის მიხედვით, რაც დაზღვევის დამთავრების მომენტში იყო;

ვ) პიროვნების (სიცოცხლის) დაზღვევის დროს ექიმების მიერ წარმოებულ ზომებისა და აწონვისათვის;

ზ) სალიკვიდაციო ზარალის აქტებისა და გამოანგარიშების შესადგენად ყოველგვარი ნებაყოფლობითი და სავალდებულო არასაგადანაკვეთო დაზღვევისათვის ქალაქად და საფაბრიკო-საქარხნო ქონების დაზღვევისათვის ქალაქად და სოფლად, უკეთუ შეფასების დოკუმენტები შედგენილია მეტრული ზომა-წონით.

ბ. 1927 წ. ივლისის 1-დან:

ა) სავალდებულო საგადანაკვეთო დაზღვევისათვის ქალაქად;

ბ) სატრანსპორტო დაზღვევისათვის.

ბ. 1927 წ. ოქტომბრის 1-დან:

ა) ცეცხლისაგან სავალდებულო სავადანაკვეთო დაზღვევისათვის სოფლად;
ბ) სეტყვისაგან სავალდებულო და ნებაყოფლობითი დაზღვევისათვის სოფლად.

2. ყოველგვარ დაზღვევაში მეტრული სისტემის საბოლოოდ შემოღებისათვის უკანასკნელ ვადად დაწესებულია 1927 წ. ოქტომბრის 1-ლი.

3. წინადადება ეძლევა სახელმწიფო დაზღვევის სამმართველოს ა/კსფსრ-ში წინასწარ, თავისდროზე დაუგზავნოს თავის ადგილობრივ ორგანოებს ა/კსფსრ-ში შემავალ რესპუბლიკებში სათანადო ცირკულიარი ინსტრუქციითურთ მეტრული ზომა-წონის შეფარდების შესახებ ამა თუ იმ სახის დაზღვევისათვის.


4. დაზღვევის ყველა ორგანო მოვალეა თავის დროზე შეიძინოს ახალი საზომ-საწონი და ხელსაწყო მეტრული ზომა-წონისა.

5. ამა სავალდებულო დადგენილების განხორციელება დაეკისრება ა/კ-ფინანსთა სახალხო კომისარიატსა და ეკონომიური თათბირების რწმუნებულთ-იმავე დროს ა/კ. საუწყებათაშორისო მეტრული კომისიის წარმომადგენელთ ა/კსფსრ-ში შემავალ რესპუბლიკებში.

6. ამა დადგენილების დარღვევისათვის დამნაშავე თანამდებობის პირი და კერძო პირი პასუხს აგებს ა/კსფსრ-ში შემავალი რესპუბლიკების სისხლის სამართლის კოდექსის სათანადო მუხლისამებრ.

ა/კ. საუწყებათაშორისო მეტრული
კომისიის თავმჯდომარის მოადგილე ინჟინერი გუნცაძე.

მდივანი ხარატიანი.



გამოცემულია „ზარია ვოსტოკა“-ს 1439 №-ში 1927 წ. მარტის 31-ს.

ტფილისი, 1927 წ.

საქართველოს სახკომსაბჭოს საქმეთა მმართველობის სტამბა.
მთავლიტი № 1252. დაიბეჭდა 800.